



Na osnovu Zakona o poticaju razvoja male privrede ("Službene novine ZDK", broj 07/16), Statuta Grada Zenica ("Službene novine Grada Zenica", broj 5/15), a u skladu sa Programom mjera za utrošak podsticajnih sredstava u oblasti privrede za 2021. godinu, usvojenim na osmoj sjednici Gradskog vijeća 08.04.2021. godine, Gradonačelnik Grada Zenica raspisuje

## JAVNI POZIV

### za dodjelu podsticajnih sredstava u oblasti privrede za 2021. godinu na području Grada Zenice

#### I. PREDMET JAVNOG POZIVA

Predmet Javnog poziva je dodjela bespovratnih podsticajnih sredstava u oblasti privrede za 2021. godinu na području grada Zenice, s ciljem unapređenja samozapošljavanja (pokretanje start up preduzeća), zapošljavanja, poboljšanja općih uslova za razvoj i konkurentnost obrta, malih i srednjih preduzeća (u daljnjem tekstu: Javni poziv).

U okviru ovog Javnog poziva realizuju se sljedeće mjere :

- 1.) Podsticaj razvoja postojećih obrta, mikro, malih i srednjih preduzeća
- 2.) Podsticaj za "Moj prvi biznis u Gradu Zenica – START UP"

#### II. SREDSTVA PODSTICAJA

Ukupno planirana sredstva namijenjena za dodjelu podsticaja po ovom Javnom pozivu iznose 200.000,00 KM.

**Postojeći obrtnici i privredna društva** po ovom Javnom pozivu mogu ostvariti pravo na maksimalan iznos podsticaja do 5.000,00 KM za investiciju (**pogledati Mjeru 1**).

**Aplikanti** koji apliciraju za osnivanje start up-a (obrt ili privredno društvo – d.o.o) mogu ostvariti pravo na maksimalan iznos do 3.000,00 KM za osnivanje obrta, odnosno maksimalan iznos do 5.000,00 KM za osnivanje privrednog društva (**pogledati Mjeru 2**).

#### III. PRAVO UČEŠĆA

Pravo učešća na ovom Javnom pozivu imaju mikro, mali i srednji subjekti male privrede definisani Članom 4. Stav (1), Tačka a), b) i c) Zakona o podsticanju razvoja male privrede („Službene novine Zeničko-dobojskog kantona“, broj: 7/2016), te registrovani obrtnici u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 14/11) i to:



- koji su ili će registrovati matično preduzeće/obrt na području grada Zenice;
- koji imaju karakter privatnog vlasništva;
- koji imaju ili će imati najmanje jednog zaposlenog;
- koji nemaju evidentiran dug po osnovu direktnih i indirektnih poreza i doprinosa;
- koji nemaju evidentiran dug prema Gradu Zenica po bilo kom osnovu;
- koji su predali godišnje finansijske izvještaje za 2020. godinu i nemaju iskazan gubitak;
- koji obavljaju proizvodnu, proizvodno-uslužnu i uslužnu djelatnost;
- koji su u većinskom vlasništvu državljana BiH (minimalno 51%).

Pravo na podsticaj imaju i zaposlene i nezaposlene osobe koje se vode na JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u gradu.

Pravo učešća na podsticaj po osnovu ovog Javnog poziva **NE MOGU OSTVARITI:**

- subjekti registrovani za obavljanje bilo koje poljoprivredne djelatnosti;
- finansijske institucije;
- subjekti registrovani za obavljanje igara na sreću i kasina;
- subjekti registrovani za obavljanje dopunskog zanimanja;
- subjekti koji su koristili podsticajna sredstva Grada Zenica, a nisu ispoštovali ugovorne obaveze;
- subjekti koji su u posljednjih 12 mjeseci prije objave Javnog poziva obavljali istu ili sličnu djelatnost, i istu su odjavili;
- subjekti koji obavljaju djelatnost trgovine (trgovačke radnje, trgovac pojedinac i sl.);
- taksisti.

#### **IV. NAMJENA I IZNOS PODSTICAJNIH SREDSTAVA**

Podnosilac zahtjeva **može aplicirati samo na jednu od mjera** i to kako slijedi:

<b>Mjera 1.</b>	<b>Podsticaj razvoja postojećih obrta, mikro, malih i srednjih preduzeća</b>
Cilj	<ul style="list-style-type: none"><li>- stvaranje preduslova za očuvanje postojećih i otvaranje novih radnih mjesta,</li><li>- povećanje nivoa produktivnosti i konkurentnosti - nabavka osnovnih sredstava i opreme.</li></ul>
Namjena	<ul style="list-style-type: none"><li>- kupovina mašina, alata i opreme za obavljanje djelatnosti (polovne i nove),</li><li>- kupovina odgovarajuće informatičke opreme za rad (osim laptopa),</li><li>- kupovina licenciranih IT programa.</li></ul>
Korisnici	<ul style="list-style-type: none"><li>- postojeći obrti, mikro, mala i srednja preduzeća,</li></ul>



Napomena	<ul style="list-style-type: none"><li>- aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije,</li><li>- iznos subvencije zavisi od veličine privrednog subjekta i to kako slijedi:</li><li>- subvencija za mikro privredne subjekte iznosi do 50 % od ukupne investicije za koju se podnosi zahtjev,</li><li>- subvencija za male privredne subjekte iznosi do 35 % od ukupne investicije za koju podnosi zahtjev,</li><li>- subvencija za srednje privredne subjekte iznosi do 20 % od ukupne investicije za koju se podnosi zahtjev,</li><li>- maksimalan pojedinačni iznos odobrenih sredstava je <b>5.000,00 KM</b>, nezavisno o iznosu ukupne investicije za koju se podnosi zahtjev,</li><li>- <b>subjekti koji obavljaju ugostiteljsku djelatnost mogu aplicirati isključivo za nabavku ugostiteljske opreme, frizerski saloni i saloni za uljepšavanje mogu aplicirati isključivo za nabavku profesionalne frizerske/kozmetičke stolice.</b></li></ul>
Planiran iznos	100.000,00 KM
Mjera 2.	<b>Podsticaj za "Moj prvi biznis u Gradu Zenica – START UP"</b>
Cilj	<ul style="list-style-type: none"><li>- podsticajem je predviđeno sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon <b>01.01.2021. godine.</b></li></ul>
Namjena	<ul style="list-style-type: none"><li>- subvencija doprinosi za zaposlenu/samozaposlenu osobu za najviše 12 mjeseci poslovanja,</li><li>- kupovina mašina, alata i opreme za obavljanje djelatnosti (polovna i nova oprema),</li><li>- kupovina informatičke opreme za rad (osim laptopa)</li><li>- kupovina licenciranih IT programa,</li><li>- troškovi registracije poslovnog subjekta (osim osnivačkog kapitala),</li></ul>



Korisnici	<ul style="list-style-type: none"><li>- početnici koji prvi put registruju obrt ili društvo sa ograničenom odgovornošću nakon <b>01.01.2021.godine</b>, sa matičnim sjedištem na području grada Zenice,</li><li>- aplikantima će biti osiguran trening iz oblasti preduzetništva koji se sastoji od 7 modula (generisanje poslovne ideje, istraživanje tržišta, pisanje poslovnog plana, marketing za mali biznis, finansiranje start-up-a, vještine prodaje i pregovaranja, koraci u registraciji obrta i društva sa ograničenom odgovornošću. Trening će izvršiti Zenička razvojna agencija ZEDA d.o.o. Zenica (edukacija je neobaveznog karaktera).</li></ul>
Napomena	<ul style="list-style-type: none"><li>- maksimalan iznos podsticaja za pokretanje obrta je <b>3.000,00 KM</b>,</li><li>- maksimalan iznos podsticaja za pokretanja društva sa ograničenom odgovornošću je <b>5.000,00 KM</b>,</li><li>- novoosnovani subjekt nakon objave Javnog poziva mora održati aktivnom svoju djelatnost minimalno 12 mjeseci, u protivnom obavezan je u cjelosti vratiti dodijeljena sredstva.</li></ul>
Planiran iznos	100.000,00 KM

## V. NEPRIHVATLJIVI TROŠKOVI

Podsticajna sredstva se **ne mogu** koristiti za sljedeće namjene:

- Kupovina robe/proizvoda za daljnju prodaju;
- Kupovina sirovine i potrošnog materijala potrebnih za obavljanje djelatnosti;
- Kupovina telefonskih i mobilnih uređaja;
- Zakupnina za poslovni prostor;
- Oglašavanje koje provodi drugi subjekt u ime samozaposlene osobe (oglasnici, Internet);
- Pretplate na časopise i stručnu literature;
- Edukacije održane u inostranstvu;
- Troškovi stručnih i drugih ispita potrebnih za obavljanje djelatnosti;
- Komorske i druge članarine;
- Autorski ugovori s drugim osobama;
- Trošak istraživanja tržišta;
- Najam/leasing vozila i opreme;
- Štampanje na reklamne predmete;
- Službena putovanja;
- Trošak goriva, guma, cestarina, naplate parkinga za službeno vozilo;
- Troškovi održavanja, servisiranja, registracije automobila;
- Troškovi premije osiguranja;
- Režijski troškovi poslovnog prostora i priključci energenata;



- Usluge drugih poslovnih subjekata (osim knjigovodstvenih i web usluga);
- Kupovina prijevoznih sredstava za prevoz stvari i roba.

## VI. OBAVEZNA DOKUMENTACIJA

Obavezna dokumentacija za prijavu na Javni poziv za **Mjeru 1:**

- 1) Zahtjev za povećanje produktivnosti i konkurentnosti (Obrazac 1A);
- 2) Izjava poslodavca da nema evidentiran dug prema Gradu Zenica po osnovu KGZ, KN, zakupa za poslovne prostore u vlasništvu Grada (Obrazac 2) – potpisana i ovjerena s pečatom;
- 3) Izjava o korištenju podsticaja (Obrazac 3) - potpisana i ovjerena s pečatom;
- 4) Rješenje o registraciji - ovjerena kopija;
- 5) Uvjerenje o poreznoj registraciji (ID broj i PDV broj) - ovjerene kopije;
- 6) Uvjerenje o redovnom izmirenju indirektnih poreza, ne starija od 3 (tri) mjeseca (ukoliko je u sistemu PDV-a) - orginal ili ovjerena kopija;
- 7) Uvjerenje o izmirenju direktnih poreza (doprinosa za PIO/MIO i doprinosa za zdravstveno osiguranje), ne starija od 1 (jedan) mjeseca – orginal ili ovjerena kopija;
- 8) Uvjerenje od nadležnog organa (općinskog suda) da nije pokrenut stečaj/likvidacija privrednog subjekta, ne starija od 1 (jedan) mjesec – orginal ili ovjerena kopija;
- 9) Bilans stanja i Bilans uspjeha za 2020. godinu (d.o.o) - ovjerena kopija;
- 10) Finansijski izvještaj za obrtnike za 2020. godinu - GPD 1051 i SPR 1053 obrazac –ovjerena kopija;
- 11) Predračun ili ponuda za mašinu, opremu ili software sa uključenom specifikacijom – orginal ili ovjerena kopija;
- 12) Potvrda o broju zaposlenih iz Porezne uprave, ne starija od 1 mjesec – orginal ili ovjerena kopija;
- 13) Uvjerenje o nevođenju krivičnog postupka protiv podnosioca prijave (aplikanta)- (općinski sud).

Obavezna dokumentacija za prijavu na Javni poziv za **MJERU 2:**

- 1) Zahtjev za podsticaj u svrhu samozapošljavanja/zapošljavanja (Obrazac 1B);
- 2) Prijavni obrazac za edukaciju (Obrazac EDUKACIJA START UP) – samo zainteresovani;
- 3) Poslovni plan s pregledom troškova (Poslovni plan START UP) – uredno popunjen i potpisan od strane aplikanta;
- 4) Izjava da nema duga prema Gradu Zenica po osnovu KGZ, KN, zakupa za poslovne prostore u vlasništvu Grada (Obrazac 2) – potpisana i ovjerena;
- 5) Izjava o korištenju podsticaja (Obrazac 3) - potpisana i ovjerena;
- 6) Kopija lične karte – ovjerena kopija;
- 7) Potvrda sa JU Služba za zapošljavanje Zeničko-dobojskog kantona - Biroa rada Zenica da podnosilac prijave ima status nezaposlene osobe, ne starija od 30 dana – za **lica koja se vode na evidenciji** Javne ustanove Služba za zapošljavanje Zeničko-dobojskog kantona/Biro rada Zenica – potpisana i ovjerena;



- 8) Uvjerenje o izmirenim direktnim porezima (doprinosi za PIO/MIO i doprinosi za zdravstveno osiguranje) iz Porezne uprave, ne starija od 1 (jedan) mjesec – za osobe koje su ranije imale registrovan obrt ili privredno društvo (d.o.o) – original ili ovjerena kopija;
- 9) Rješenje o prestanku pravnog subjekta - za osobe koje su ranije imale registrovan obrt ili privredno društvo (d.o.o) – original ili ovjerena kopija,
- 10) Uvjerenje o nevođenju krivičnog postupka protiv podnosioca prijave (aplikanta)- (općinski sud).

**Napomena:** Po potrebi Komisija za provođenje ovog Javnog poziva ima pravo zatražiti dodatnu dokumentaciju i obrazloženje.

## VII. KRITERIJI ZA BODOVANJE PRIJAVA

Tabela 1. Podsticaj razvoja postojećih obrta, mikro, malih i srednjih preduzeća

Red. br.	Kriteriji	Opis	Bodovi	Maksimalan broj bodova	Izvor verifikacije
1	Vrsta djelatnosti	Proizvodna	30	30	Rješenje o registraciji
		Proizvodno-uslužna	20		
		Uslužna	10		
2	Broj trenutno zaposlenih	do 5 radnika	10	20	Potvrda o broju zaposlenih iz Porezne uprave
		6-10 radnika	15		
		11 i više radnika	20		
3	Period obavljanja djelatnosti	do 3 godine	20	20	Rješenje o registraciji
		3 - 5 godina	15		
		5-10 godina	10		
4	Inovativna djelatnost	DA	10	10	Rješenje o registraciji
		NE	0		
5	Nabavka nove opreme	DA	10	10	Predračun/ponuda/ugovor
		NE	0		
<b>Ukupan broj bodova</b>				<b>90</b>	

**Prednost odabira** korisnika (pri istom broju bodova) po osnovu ove mjere imaju subjekti koji nisu koristili podsticajna sredstva Grada Zenica u posljednjih 5 godina i aplikanti koji spadaju u grupu poduzetništva mladih.



Tabela 2. Podsticaj za "Moj prvi biznis u Gradu Zenica – START UP"

Red. br.	Kriterij za ocjenu	Opis	Bodovi	Maksimalan broj bodova	Izvori verifikacije
1	Vrsta djelatnosti	Proizvodna	30	30	Rješenje o registraciji, poslovni plan
		Proizvodno-uslužna	20		
		Uslužna djelatnost	10		
2	Broj novozaposlenih	5 i više	20	20	Poslovni plan, Izjava
		3 – 4	15		
		do 2	10		
3	Inovativna djelatnost	DA	15	15	Rješenje o registraciji
		NE	0		Prijavni obrazac, Poslovni plan
4	Kvalitet poslovne ideje	Održivost	0-15	15	Poslovni plan
5	Prisustvo edukaciji*	DA	10	10	Evidencija prisutnosti
		NE	0		
<b>Ukupan broj bodova</b>				<b>90</b>	

\*Edukacija je neobaveznog karaktera, polaznici ostvaruju dodatne bodove

**Prednost odabira** korisnika (pri istom broju bodova) po osnovu ove mjere imaju osobe koje se nalaze na evidenciji JU Službe za zapošljavanje - Biro rada Zenica i aplikanti koji spadaju u grupu poduzetništva mladih.

### VIII. SADRŽAJ PRIJAVE ZA UČESTVOVANJE U JAVNOM POZIVU

Prijava na Javni poziv mora biti urađena sadržajno i redosljedom, prema elementima koji se zahtijevaju, ovisno o pojedinoj mjeri.

Obrascе za prijavu na Javni poziv, aplikanti mogu preuzeti na web stranici Grada Zenica: [www.zenica.ba](http://www.zenica.ba) i na infopultu Grada Zenica.

### IX. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika, a koju će činiti predstavnici Službe za privredu i upravljanje razvojem, Agencije ZEDA i Udruženja poslodavaca Zenica. Komisija će nakon provedenog Javnog poziva izvršiti vrednovanje i rangiranje pristiglih prijava, te sačiniti zapisnik i rang listu kandidata koji ispunjavaju propisane uslove.



Gradonačelnik će dati saglasnost na sačinjenu rang listu. Grad Zenica će sa odabranim aplikantima potpisati ugovore u kojima će biti regulisana međusobna prava i obaveze.

Ukoliko se planirana sredstva po mjerama iz objektivnih razloga u cjelosti ili djelimično ne iskoriste, ista se mogu preusmjeravati unutar mjera. U slučaju da se planirana sredstva ne utroše, Grad Zenica može ponoviti Javni poziv.

Kontrolu utroška dodijeljenih sredstava na osnovu ovog Javnog poziva vršit će Služba za privredu i upravljanje razvojem. Ukoliko se ustanovi da se dodijeljena sredstva koriste protivno odredbama zaključenoga ugovora, Grad Zenica će raskinuti ugovor i aplikant će imati obavezu da izvrši povrat cjelokupnog iznosa dodijeljenih sredstava.

#### **X. NAČIN I ROK PODNOŠENJA PRIJAVA**

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na Protokol Grada Zenica ili putem pošte, na adresu:

GRAD ZENICA  
Služba za privredu i upravljanje razvojem  
Komisija za provođenje Javnog poziva  
Trg BiH 6, 72 000 Zenica  
sa naznakom:

**"Prijava na Javni poziv za dodjelu podsticajnih sredstava u oblasti privrede za 2021. godinu na području Grada Zenice – NE OTVARATI"**

**Rok za podnošenje prijave je 19.05.2021. godine do 16.00 sati, a rok za podnošenje prijave za prisustvo edukaciji je 26.04.2021. godine do 16.00 sati.**

Na poledini koverta obavezno naznačiti ime i prezime fizičkog lica ili naziv pravnog subjekta, adresu i kontakt telefon.

Javni poziv će biti objavljen na web stranici Grada Zenica [www.zenica.ba](http://www.zenica.ba) i oglasnoj ploči Grada Zenica.

**Nepotpune i neblagovremene prijave se neće uzimati u razmatranje.**

Sve dodatne informacije i pojašnjenja u vezi sa Javnim pozivom se mogu dobiti putem e-mail adrese ili kontakt telefona: [suvad.dizdarevic@zenica.ba](mailto:suvad.dizdarevic@zenica.ba), 032-447-763 i [masa.skrbic@zenica.ba](mailto:masa.skrbic@zenica.ba), 032-447-691.